

* P * V * I * S *

* 1 * 6 * 2 * 4 *



- I. Paraphrasis Psalmi LXXXII M. Zachariae Wennenezeri
- II. Psalmi Davidici 121. 91. 125. 124. Gregorij Bersmanni.
- III. Oratio de Christo recens nato Joachimi Flemingi
- IV. Lessius Casareus Cyriaci Herdesiani sup obitum Rudolphi Imperatoris
- V. Soteria Dn. Johanni Georgio Saxonum Duci Academiae Wittebergensis.
- VI. Votivus applausus Dn. Hug: Principi Anhaltino administrationem principatus Cisalpinii suscipienti Frederici Theodori Gorlicio
- VII. Theophrastus in qua ad Dn. Augustum Principem Anhaltinum Thomazij causa servestam nerezum M. Petri a Jena.
- X. Epithalamium Marci Frederici Wendelii ad Dn. Augustum Ducem Brunovicensem.
- II. Epithalamium ad eundem principem Jani Cremeri.
- III. Ecloga Gregorij Bersmanni Rudolpho Principi Anhaltino sponso scripta.
- XI. Theophrastus in qua ad Dn. Rudolpho Princ: Anhaltino scripta a Collegis Scholae Servestanae.
- XII. Epicedium in obitum Dn. Rudolphi Princ: Anhaltini Abrahami Cremeri.
- XIII. Strena Poetica Christophori Heroldi.
- XIV. Querele Saravictoris et Biomea.
- XV. Gregorij Bersmanni in pontem sablicium Debaensem Carmen Graecum.
- XVI. Joachimi Flemingi Piculum Scholasticum.
- XVII. Abrahami Vrici Diagrapha Laboris Scholastici.
- XVIII. Coronis Collegio Disputatorio et Oratorio imposita.
- XIX. Typus Depositionis Scholasticae Frederici Widebrami
- X. Bulla Amuletum M. Bloey.
- CI. Oda honoribus Dn. Danielis Burchardi Dn. Johannis Christophori Hartmanni. Dn. Philippi Meudligeri. Dn. Matthaei Coleri Doctorum scripta.
- XXII. Gratiarum Actio M. Johannis Copperij post Magistrum autum pronuntiata.
- XXIII. Epigramma in Cerevisia Servestane Danielis Burchardi.
- XXIV. Dehortatio a Calumnias
- XXV. Germania ad Principem epistola Ad: Martino Pratorio.
- XXVI. Votum Scholae Veraliensis
- XXVII. Theophrastus in qua ad Dn. Johannem Stunium.
- XXVIII. In honorem Magistrum Dn. Johannem Gualtero
- XXIX. Trizinta Jeverum M. Christiani Galli Italio-Saxonis.
- XXX. Adami Forweroy Frederici Strenis Ernesti Wulstorgij.
- XXXI. Eorundem
- XXXII. Juvenum 37. M. Theophili Carisseri
- XXXIII. Johannis Cremeri.
- XXXIV. In honorem Notarii Valerij ni Gelani.
- XXXV. Strena anagrammatum quadrifida Christophori Heroldi.
- XXXVI. In nuptias Dn. Wolfgangi Amlingi 4. V. D.
- XXXVII. Eiusdem Johanni Amlingi Nicolai May.

B XVI.

an 15

IOACHIMI FLE-
MINGI
PERICULUM
SCHOLASTI-
CUM

SUB SUA

In

SCHOLAM DESSANAM

Pridie Nonarum Augusti Anno

1620 factâ

INAUGURATIONE

aliquahter auspiciatum



SERVESTÆ,
TYPIS DORFFERIANIS,
Anno clō lō c xx.

L E C T U R O .

VIros & arma, ditioꝛe qui clues
Venâ Poëta, ad impares voces modos,
Tibi gravata Marte (proh dolor) truci
Dant divitem vicina rura copiam,

Heic exſeras vires, age heic te da virum!

Pubem docere inauguratus nuperè

Venâ poëtor paupere ipſe, viribus

Hinc, conſcius meæ mihi in valentiæ,

Æquam meis rem tracto, tracto congruam.

Sic Nauta ventos, ſic Arator jugera,

Pendat, ſuum Paſtor pecus, ſuas plagas

Venator, arma Miles & victorias.

Dixiſſe cuiq; fas ſuum. Scholaſticum

Cur ergo non meum mihi periculum?

Ne parva parvo ſcripta rode carmine,

Mi Lector, ede magna magno carmine,

Et labra comprimam, neq; audio Theon.

ILLU-

ILLUSTRISSIMIS AC GENERO-
sissimis Principibus ac Dominis

Dn. JOHANNI - CASIMIRO }
& } Fratribus.
Dn. GEORGIO - ARIBERTO }

Principibus Anhaltinis, Comitibus Asca-
niæ, Dominis Servestæ ac Bernburgi
&c. Principibus ac Dominis suis cle-
mentissimis.

Heroum Heroas gestis donâsse superbo
Carminè laudatis secula prisca solent.
Magna putà magnos rentur decuisse, nec uno
Munere mactandos quoslibet esse viros.
Est ita: Mente tamen data simplice vilia laudem,
Munera sepe liquet promeruisse suam.
Rusticus obtulerat quondam cui nescio Regi
Rapum, animo tulerat Rex quoq; tale bono.
Dat sua quisq; Genus veterum dat pictor avorum,
Phidiacæ sculptor dulce toreuma manûs;
Mercator gemmas, leporem Venator, aquarum
Prædas Piscator, Pastor ovile pecus.

A 2

Ipsè,

*Ipse, Schola pridem cui sunt data sceptrā, labori
Devotas vires si fero, cuncta fero.
Diis geniti Heroes, par, quod virtutibus annos
Antevenis, fratrum nobile, stirpis honos.
Qui datis hospitium Musis, quos prima juventa
Cura tenet, monstrum noscite triste Scholae.
Noscite, quando sinunt graviora negocia, Musis
Vel modò patronos vos aperite meis.
Custodite sacras vestro moderamine flammās,
Pandite sancta Deo templa, fovete scholas.
Ac erit in vestra pax aurea sede, virescet
Vestraq̄, quod voto, perpete flore domus.*

In significationem subjectissimi
studii & observantiae humi-
liter dedicat

JOACHIMUS FLEMINGUS,
Schola Dessana Ⓞ

PERI-

PERICULUM SCHOL-
lasticum.

Re per austeram tenui macramq; Scholarum
Carminē fert animus faciē, locus iste poposcit,
Hisq; sub auspiciis quæ me justissima iussit
Dicerē causa. Scholis qui præficis ipse magistros,
Alme DEUS, puerosq; vocas, lactente sub ævo
Visq;, loqui vix docta, tuas, infantia, laudes
Prædicet, adde animum, timidæq; repagula linguæ
Deme loquuturo, felix illabere ceptis,
Ut tibi grata canam, doctis placitura virorum,
Auribus adstantum, teneramq; vocantia pubem,
Ad studia & mores annis puerilibus aptos.
Magnifici proceres, & nobilitatis avitâ
Stirpe coruscantes, vos lucida juris & æqui
Sidera, justitiæ Patres; Vos sacra beatæ
Pardentes fidei populo mysteria, canâ
Insignes pietate viri, flagrantia veri
Pectora divini Zelo; & tu virgea vibrans
Sceptra cohors, onerum socii, gnariq; laborum;
Bellerophontæas avidissima deniq; pubes
Errandi per aquas, aures præbete loquenti
Attentas, animis teneroq; favete Poëtæ.

B 3

Quem

Quem Schola ferre solet, possit labor iste videri
Exiguus multis equidem, neq; poscere crebras
Contiguasq; operas, sed multa relinquere semper
Ocia, quæ reparent vires & fracta diurno
Membra labore levent, & rursus ad ardua mittant
Doctorem meditata, suis & debita Musis;
Quatinus haut magnas puerilia pectora tradi
Res habeant opus, & tenerum superantia captum,
Abdita, quæve virum magno scrutamine frangant:
Ludere sed doctum mediocriter omnia, partes
Ludentemq; subire suas, nihil ullibi quidquam
Vel sentire mali, quidquam vel ferre molesti,
Nec sine fruge pati, quidquid patiat, honores
Præmia digna sequi, melioraq; munia semper
Esse malis comites, & onus subsumere collo.

Iste quis insanæ sed mentis, acuminis expers
Ingenii, stupidus, quem sceptrâ scholastica præbent,
Quo vix est gravior, vix durior, esse laborem
Qui neget, inq; levem fatagat convertere lusum?

Ingenuas certè didicisse fideliter artes
Ac Linguas novisse decet quemcumq; juventam
Informaturum, si non excellat ubique,
(Non omnes quianam nos possumus omnia) saltem
Cuiusvis aliquâ sit cognitione vel artis

Vel

Vel Linguae tinctus, Spartam decorasse receptam
Laude fideq; volens, & quem meruisse favorem.

Quin sane magnos sic sustinuisse labores
Heic opus, insomnes multas duxisseq; noctes
Ante quis adgrediatur opus quam cruda juventae
Pectora formandi, sibimet quò fidere possit,
Fortè negaturum mihi vix speravero Momum.

Doctus ab indocto nunquam quis redditur, & quas
Ipsemet haut didicit, qui transplantaverit artes?
Num cæcus cæcum, stolidus num ducat inertem?

Ast neq; cura vigil sacris operata Camenis
Sufficit in totum, neq; docta peritia rerum:
Sed mage perspicuas proponere singula leges
Et fundata brevi methodo præcepta requiri
Res loquitur, nocuit præposterus ordo juventae.

Multorum sterilis cedat jactatio, magnas
Prætumidâ qui mente rudi sivevere juventae
Tradere res, longos studioq; ferire superbo
Sæpe dies, aliquem vel non succedere fructum
Soliciti nihil, hac saltem ratione patefcant
Esse viros sese, qui plura Scholastica norint
Quam documenta, gradum frustra nec habere Magi-
Obruis ætatem gravibus quid stulte tenellam
Rebus, & ex imo subtilia pectore promis

Argu-

Argumenta, suum neq; contingentia finem?
Turpius ecquid erat, quid inertius, atq; tenelli
Herculeos animi pueris aptare cothurnos?

Hinc fit in innocuos pravam præeunte Magistro
Fortè viam pueros iactura redundet, & ipsa
(Informata probè cujus sunt fulcra Juventus)

Damna ferat tristi quondam Respublica fluctu,
Accidit, obliquum, si vel lascivia tauros
Vel furor invasit, sulcum deducat arator
Ac ita deliret; sed vile ligone relictum,

Subruit, extemploq; scrobes ad scamna reducit.

Sic malè consuerit vestem malè mensus, & addat
Particulam vè secet, tollit dispendia Sartor.

Discrepat ingenii ratio puerilis, odorem,
Quo semel est imbuta recens conservat ut omni
Tempore testa; malâ sic consuetudine ductus
Edoctusq; puer, solitos deponere mores
Nescit, & ad pulcros mage se componere, ceptos
Sed fovet errores, raròq; revertitur unus
Ad meliora, suo sed tramite strenuus errat.

Tantæ molis erat teneram componere pubem!
Tantæ molis erat recto deducere cursu
Et rectâ methodo, methodus perplexa docendum,
Implicat atq; rapit studia in contraria vulgus.

Una

Una nec heic semper via, sed varianda tenello
Pro pueri captu, ne vel majora, facultas
Ingenii quàm ferre potest tradamus, eâdem
Aut remorem eos chordâ, potiore beavit
Quos Natura animo, quibus & meliora coruscans
De meliore luto Titan præcordia finxit.

Cuilibet assiduum decet adplicuisse Magistrum
Discipulo se, cuiq; suum conferre laborem
Munere vult dici functus cum laude, profectos
Et sperare suâ quos sedulitate profectûs.

Viribus heic opus est, opus est heic tempore, privas
Quêq; simul trahit (ecquis in hoc consumeret annos
Pulvere stultus?) adhuc coluisse libido camenas:
Sit piger ad requiem, multam traducere solers
Ex somnis noctem, serosq; ad luminis ignes
Ille suis studiis non invigilare recuset.

Qui minùs ingenuas operas exercet & artes,
Ac sua continuo manuum sibi fercla labore
Comparat, occasu sub Solis, ut aëra vesper
Temperat, è fabricâ videas cessisse relictis
Mox operis, lassum & mensis petiisse remotis
Strata, nigram & facili noctem consumere somno.

Extinctæ cum damna facis reparavit & ore
Plenior excepit Phœben, cursusq; novatos

B

Institu -

Instituit Titan, convexa per aurea mundi
Ignicomos moderatus equos, vigil iste relictas
Ocyus ad fabricas ita lacrior, ossa futuris
Vivida rebus habet, vegetas in corpore vires.

Evenit inferius longè pejusq; Scholarum
Præsidibus, multo lasi clamore, diurno
Atq; labore, suis sese componere tendunt
Jam thalamis, sperantq; bonam requiescere noctem:
Eccere præteritos imitantur iniqua labores
Somnia, vel mediis etiam conatibus ægri
Subcubuisse sibi visi, non lingua valet, non
Sufficiunt vires, nec vox nec verba sequuntur.

Excusfere merus somnos & cura salubres,
Surgere conantur doctosq; subire labores:
Reddidit obtusos sensus, & penè sagaces
Ingenij necuit vires, calidumq; cerebrum,
Siccavit pituita fluens, absūmfit & omnem,
Nocturni causam somni, minuitq; quietem.

Ante diem hinc senium curvos grave contrahit ar-
Ante diem toto macies in corpore regnat, (tus,
Ante diem nimius pallor notat ora, minantur
Ante diem mortem tristissima fata, propinqua
In tetrico vè sedet vultu mera mortis imago.

Atq; vel hos etiam facili tolerare labores

Suffi-

Sufficerent animo multi, modò pulvere tandem,
Hoc, ubi venisset forsan mesforibus æstas
Sexta, cucurrisset toties quoq; Bruma, pateret
Elabi quod iter, melioris & anchora vitæ.

Ista secutura spes libertatis in aures
Crebra susurraret, fractos animiq; vicissim,
Erigeret, vires daret, assiduosq; teneret.

Ast aliud docet eventus, docet ipsa velustas,
Vivaq; multorum vox, exemplaria, multos
Consenuisse viros, neq; tempora cana beatâ
Libertate frui potuisse sed isse sub umbras.

Scilicet assiduus nimium labor iste, nec artes
Pendere quem reliquas finit, ad majora vel olim,
Tam facilè spirare, statu & meliore potiri;
Istaq; fertilitas paucis concessa patescit
Ingenii, quos Naturæ facundia nodo
Solveret hoc labyrintheo, neq; respicit uno
Sors omnes oculo, vel ut huic quos demeret antro
Gratia, tranquillamq; daret traducere vitam.

Hæret uterq; : Bonus malus, aptus ineptus, alacres
Socordesq;. Scholam bene qui regit atq; juventam
Promovet, ille quidè, quòd ad hæc quasi munia natus,
Substituiq; pares nequeant sine clade, tenetur.

Qui verò docet infelicior, atq; peritus

Iste minus, nunquam satis ad majora putatur
Aptus, & angustam ne quâ pateretur egenus
Pauperiem, quâdam miser est bonitate relictus.

Quid memorem curas? quid tædia, quid ve labores
Perstringam, pueri quos suere creare magistris?

Discipulos olim sapiens sibi Plato legebat,
Qui dociles, alacres, reliquis sua docta negabat
Officia indignis, neq; suscipiebat in album.

Mos hodie fermè contrarius evenit, omnis
Non habitâ pronæ ratione vel indolis, aptæ
Ætatisvé scholam puer ire jubetur, ad uncæ
Margites buræ melior, vel sæpe jocosæ
Pusio nutricis magis indigus atq; magistri.

Deficit heic ratio, studium, vox deficit, & nox
Non satis, ut capiant aliquid, quem deniq; tentet
Fortè modum, quoties inculcet & indice monstret.

Sunt stupido sacra sacra Palladis abdita pagi
Bojemici, nullis superanda laboribus unquam
Intervalla, datum librum libriq; figuras
Totq; characteres veluti (modò gratia triti)
Vacca recentis opus portæ mirata, tuetur.

Si chalibi filicem (magnis componere saltem
Parva mihi liceat) decies illidis & ultra,
Et non prædorum, nullos excuseris ignes.

Ac

Ac nati, retrogreditur mox cancer, echinus
Asper, & urticae morsus imitantur acerbos:
Sic natura statim lucescit in indole, præ se
Sive bonam ferat illa, malam seu forte minetur.

Pusio adest comedens fartam fluitante per ora
Perq; manus butyro similam, vel frustra secando
Circumsecta gerit pani, duplicata libello
Addita pauperior, gravidos modò lacte tulisset
Matris uterq; sinus secum, quoq; pellere fesso
Ore sitim, cunasq;, satur quæis stertere posset,

Quid? neq; majores pudet hoc intrare paratu,
Dum vel post saga, vel, secum quæcunq; tulerunt,
Tempora declives comedunt, vel sæpe, magistros
Non novisse rati fraudem neq; cernere, bolos
Erecti minus ore vorant titubante, vocati
Quæsitiq; cui fors respondere, vel horæ
Ut valeant quadrante sonum vix edere, fauces
Obturante cibo, magnum moveantq; cachinnum.

Omnibus ad sacri vicina cacumina cælo
Montis iter patet, at patet haut tamè omnibus æquū,
Ducit ad astra labor, labor unus ad ardua certus
Sidera trames agit, labor omnia vincere suevit
Herculeum certè, modò nî quoq; sæpe laborem
Sisyphium subeat, sacra qui conatur inertem

B 3

Per

Per tot inexcultas valles, tot & invia saxis
Per loca, tot dumis, tot sentibus obsita duris,
Ad juga Cecropii pubem deducere montis.

Debilis in puero Natura stupescere tantos
Sæpe fuit, nimios & divinare labores
Visa, gradu plures primo præfaga reverti
Dum jusfit, multos medio, quandoq; supremo
Nonnullos dubitare, viamq; relinquere ceptam.

Scilicet exegit nunquam Baccheja vires
Pampinus, ac Laurus Parnassia, Pallade vernis
Doctifonâq; fuit semper Venus aptior annis.

Hinc videas plures primi (proh!) temporis ætas
Dum floret, majore sequi conamine Bacchi
Impia, quàm Phœbi sacra castra, libidine plures
Lascivæ Veneris, castæ quàm Palladis uri.
Ad vicii via lata patet, virtutis ad arcem
Arcta, ocium vicio comite it, virtute labores.

Ducit ad astra labor, labor unus ad ardua trames;
Thespius ignavis cesit neq; cardo, supinus
Nec tulit ad stadium recubans, sed præmia cursor.

Difficilem rem tentat, opus mortalibus impar
Viribus adgrediturq; ferè, variisq; periclis
Insuper expositum, fontem bibiturus amœnum,
Bellerophontæi quis equi, viridiq; Dearum

Jun -

Jungendus thalamo & Lauri meriturus honorem.

Crediderit si passa tamen quis carbasa cauro
Auspicio meliore, parum passusq; pericli
Principibus felix curis evaserit; alium
Incipit adparere jugum, lætissimus alas
Pandere frondicomas mons, dulcisonoq; stupentem
Divinæ puerum cantu mulcere Camenæ.

Cuncta videt ridere, locum nimis esse beatum
Judicat, intuituq; hæret defixus in uno.

Heic sacra protrudit Parnassia germina Laurus,
Brachia, sacra Jovi heic florentia porrigit ilex,
Heic hederæ, heic thyrsi florent, heic myrtus, olivæ
Heic austrina tegunt lambentibus omnia ramis,
Heic palmeta suas pandunt fragrantia regum,
Signa triumphantum quondam victricia frondes;
Heic anacardus olet, rubet heic hyacinthus, odorem
Dat calamus, seselis, dat thus, dat amaracus omni
Tetra sui pestis, dant lilia, nardus, acanthus,
Mixtaq; cum violis thyma, nobilis ille marinus
Ros, pepones, orchisq; calens, colocasia, serò
Narcissusq; comans, nasturtia, symphyta, malvæ,
Florentes ferulæ, polium medicina perito
Grata Machaoni, plantago, cucurbita, salva
Salvia, fæniculum surgens, althea, capilli

Atq;

Atq; Dionæi, pubens phlox, discolor iris,
Intiba, serpillus, perfusa papavera somnis
Lethæis, apium, sisarum, lactuca, sinapis.
Et flores alii mala queis depellere doctus
Et morbos solitus Pæon mortalibus, olim
Sustulit & querulo Diomedea vulnera Marti.

Hic tantus monti vigor est! hæc tanta voluptas!
Hoc tantum nullo decus est superabile fastu!

Non vulpes astuta, truces neq; limina tangunt
Divini Lynces montis, non sæva Lænx
Heic errat soboles, non ursa, nec omina raucus
Bubo sinistra canens mortalibus, occinit heic nec
Scops, nec epops, nec agit sacris in frondibus otus.

Ergo nec heic Tigres rancant, rugiuntve Leones,
Non Elephas barrit, verres quirritat, asellus
Roncat, non grunnit sus, non auditur equorum
Hinnitus, non balat ovis, nec rana coaxat.

Sed turtur, philomela, merops, pelicanus, acanthis
Et merulæ cecinere, suos posuereq; nidos :
Et sacra Pieridum viridi sub Apollinis almi
Vexillo fixere cohors sua castra, Sorores
Tres bonitate pares, concordia Numina sceptrum
Heic Clario posuere statam moderante cathedram.
Heic canit Uranie sacri præfagia verbi

Atq;

Atq; poli tractûs metitur & astra tuetur,
Gesta canit Clio, doctas Polyhymnia formas
Dicendi enucleat, teneto meditaturo amores
Plectro Erato, Euterpe calamis flat dulce canoris,
Calliope mutis heroica carmina chartis
Mandat & historias, gaudet sermone Thalia
Comica lascivo, tragicos induta cothurnos
Melpomene fingit, Sirenibus orta choréas
Terpsichore dulci recinens modulamine ducit.
In medio residens divus notat omnia phœbus,
Omnia perpendit, clarat, defecta ministrat.

Reddier affinis tantæ dulcedinis ecquis
Non optet, tantæ quis prosperitatis alumnum,
Se fore non velit, & tanto splendore potiri?
Multus amore novem licito, tantisq; Sororum,
Corripitur donis, renuit sed ferre procellas
Consuetas, solitosq; procis adamantibus imbres
Fortunæ perferre vagæ, perferre labores,
Quin labor impensus pueris illuditur, (est mens
Læva juventuti) quoties subducere ludo
Se, minimè renuunt, falsas neq; fingere causas
Turpiter, absentes & se purgare, magistros
Fraude rati vafrâ se decepisse, rubescunt?

Calceolis hunc sutor, eum resupinus amictu

D

Deti-

Detinuit sartor, dentes dolet iste, laborat
Hic febre, quintus hero mandante domestica curat,
Alter ob in seræ convivia tracta parentum
Tempora noctis iit cubitum quasi serior, alter
Præius erat nihil, alter ait sibi fraude libellum
Subreptum, alter agit fractâ de glave relictus
Amisît ave domi, alter herâ expatiatur in hortum,
Imperitante, nuces, pyra, pomave forte petitem.

Nescio quæ plures sibi plura negocia turpi
Fingunt obtentu, sibi semet obesse suisq;
Usibus ignari, dum vel chartacea rubri
Symbola versarint regis, vel pocula Bacchi,
Servierintq; jocis, ocis, somnové vacârint.

Non urgere nimis, sed connivere decebit
Heic te, perpetuum conservature favorem
Discipuli, matrisq; sui quæ callida cari
Callida filioli mendacia condere novit.

Si lubet, adparent tandem, veniuntq;, vagantur
Aut tamé ingenio, aut cunctos numerare quadrantes
Horarum labor est, lusus meditantur, amores
Famososq; legunt libros & inania tractant.

Si qua venit scribenda phrasis vel digna notatu
Chria, vel excipiunt iussi nihil, immo coacti
Scribere se simulant, falsas vacuisq; figuras

In

In chartam ducunt calamis, dictante Magistro
Vel dulcem in somnum declinant lumina, labi
E manibusq; sibi passi sunt sæpe libellos.

Omnia cum fucō peragunt, nec verbera, nec quid
Verba valent, nec quid leges, quid? sæpe vel ipsum
Sanna laborantem sequitur postica magistrum.

Si qua virum revocant inopina negocia gressus
(Evenit interdum) de limine ferre, cavatâ
Ut quercu resonant examina multa, protervæ
Murmura percipias pubis, glomerantur in unum,
Sede sedet nemo fuerâ, discordia quin jam
Exoritur, crinesq; petunt, libri arma ministrant.
Verberor, heic clamant, clamant, ego verberor, illic,
Queis lacerâre libros, quibus evertère colores,
Queis calamos rapuère dolo, quos talibus extra
Incusant fraudem, quo de jam jurgia nectunt.

Audiit, extemplo remeat præceptor, & altâ
Voce filere jubet stans limine, muris ad instar
Conticuère statim, quivis intenta tenentes
Ora, nec est quidquam qui musfitet, unus & idem,
Est animus, nullus queritur, tutissima res est.

Reflectente pedem, sedemq; petente priorem,
Præceptore, prior pueris mox rixa movetur.

Usuram vegetæ quorum præcordia mentis moliq;
-ibua

Ignorant, norunt equidem fera bruta capistris
Fracta jugum perferre, suos audire magistros.

Indomitos equa quæ peperit fecunda caballos
Ferratâ domiti qui non sint calce coacti
Ferre viros, ferrum mordere, subire lupatum?

Balantem revocare gregem & compellere in unum
Flando manum didicit Corydon per disita sparsum
Prata; levem ad pueri vocem servive reflectit
Bos, porcosq; suos novit retinere subulcus.

O vanos mores! ô tempora! secla! vel ipsis
Turpiter exemplis morum mutanda ferinis!

Moribus imbutus puer & probitate, magistrum
Et colere edoctus, doctus parere jubenti
Adversusq;, malis seducitur ille malorum
Ocyus, exemplis, vicia & communia tentat.

Hoc opus, hic labor est medium tenuisse! malorum
Connivent viciis & liberiora relinquunt
Frena; vel in miseros vergit mox culpa magistros.

En nostros, clamant, sumtus! en sancta scholarum
Sceptra! juventutis specimen! probitatis alumnos!

Crebrior in ferulis, paulumq; severior, audit
Matribus haut doctor sed tortor, ubiq; feritur
Cuspide linguarum, torvis spectatur ocellis.

Ipsemet audivi (pænas quoq; fortè luentem)

Audi-

Audivit puerum querulos effundere fletus)
Pessima nuper anum convicia dicere, centum
Dæmonas ac iterum centum (meminisse stupescit
Mens) miseris optare viris, & vota precari,
Vota, vel invideat quæ mens genuina catello.

O immaturas biles! ô mollibus atræ
Filiolis pestes matres! ô invida gnatis
Turba suis! vestris ô parcite, parcite gnatis.

Tolle scholas, gnatosvé tuos his deme capistris,
Atq; fove gremio, blandis nec verbera verbis
Misce, sed laxa frenos: at desine dignos
Laude tibi sperare viros, spes irrita fallit.

Sola viros schola dat, schola format, honestat adau-
Sola juventutem studiis & moribus, aptam (get
Reddit ad humanas res & quascunq; gerendas.

Suscipit inde suos Ecclesia sacra ministros,
Suscipit imperium, sibi Res-quoq; publica doctos
Suscipit inde, quibus sine nulla beata virescit.
Singula quid memoré, memorabové plurima paucis

Quî bona? mî nimis hac, fateor, vice curta facultas

Omnia sunt hominum pereuntia momine præter
Quas dat opes schola, quas portamus ubiq; locorum
Nobiscum, summo quibus in discrimine solis
Nitimur, ac fugimus famæq; famisq; periculum.

Tristia propinans dulci sub melle voluptas
Toxica cedat opes procul hinc estote rapina,
Mulciberis, properamq; trahens domus alta ruina.
Passus Aristippus magno discrimine fatum,
Flebile, perdiderat bona naufragus omnia, tandem
Sorte Syracusios meliore relabius in agros
Evasit felix, & humi proserpere virtus
Nescia, præcellensq; viri patefacta per urbem,
Ceperat ut fieri doctrina, receptus honesto est
Nomine, præclarisq; bonis cumulatus amicis
In patriâ reliquis præcepta renunciat, illas
Eligerent ut opes, quæ per mare fortè phaselo
Confractò dominum simul insequerentur euntem.
Atq; quid acciderit Coos quis nescit Apelli?
Factus & ille levem saxo quasante carinam,
Naufragus, Ægypti fatis auctoribus agros
Adpulerat, properæq; miser vix retia mortis
Fugerat, in medios heic incidit ecce latrones
Intuper, & sequitur reprobam fors reproba sortem.
Turribus insignem videt adparere superbis
Metropolin, properos gressus quâ dirigit, aulam
Magnificamq; petit Regis, spoliatus honesto
Vestituq; loci metuens abscondit in arcti
Se latebras, comedens quas mendicârat egenus

Hinc

Hinc atq; hinc micæ, sperans post nubila Phœbum.

Aulicus ecce venit vitâ vultuq; superbus,
Inquit & ad cœnam falso de Regis jussu
Invitat, ridensq; pedem cum voce represit.

Illusum quamvis se cerneret, atq; futurum
Omnib9 insignemq; jocum magnumq; cachinnum:
Ipse tamen subeunda putans cœnacula Regis
Fata sibi meliora videns adludere, panno
Obsitus exiguo dictâ comparuit horâ.

Undiq; visendi studio lasciva juvenus
Circumfusa ruit, certatq; illudere stulto
Falsa viro, rogitat quid sic conscenderit aulam
Regis inexcultus, quid se commoverit, & quis
Ipse sit? Ad cœnam cûm diceret esse vocatum
Se Regis, risu stertunt, urgentq; vocantem.

Ignorans Satrapam, Satrapæ quoq; nomina, chartæ
Imprimit exactam faciem, quâ quilibet ipsum
Nosceret, atq; doli semet mox proderet auctor.

Hæc ita picturæ Regis præstantia mentem
Perculit, ut cœnâ secum frueretur eâdem,
Expertusq; viri cladem compertus & artem
Magnificis tandem donis dimisit onustum.

Scilicet ars alitur quâvis regione, Caménas
Pauperiem passas nec vidimus usq;, sed, amplis

Si

Si non divitiis, saltem mediocribus omni
Ornatas opibus seculo, nec & his si, nomine certè,
Nomine divitias & opes superante caducas.

Sed certo mea Musa scopo deflectis in amplos
Magnarum campos rerum, tibi congeris impar
Sponte jugum, posito brevior duc carmina portu.

CUNCTA Dei fato fiunt statuente, magistrum
Meq; juventutis juvenem facit ipse, subibo
Se comite illud onus, fretus se vicero quosvis
Ipse laboriferos fluctûs, se præside felix
Rexero, speratam tandemq; cucurrero metam.

Vos agite ô proceres, nostros lenite labores,
Consiliis juveniq; piis subcurrите fluctu
Fortè laborantem navim turbante, procellas
Invidiæq; graves nostris avertite transtris.

Spondeo commissum superis aliquale talentum,
Concessasq; mihi vires, mea trado labori
Viscera pulvereo, me cernite, nequiter artes
Et partes subiens celi convexa tueri
Vel sit is indignus, veniat vel nomine fuci.

Vos quoq; Collegæ vires reparabimus, unâ
Nave vehemur, aquis neu submergamus, ab unis
Vivemus votis, nobis alterna patebunt
Officia, & nostro benedixerit ipse labori

Sic

Sic Deus, ad meritos tandemq; vocarit honores.

Vos pueri, præstate, scholæ quæcunq; requirunt
Publica iussa, jubent quidquid ratione magistri
Muneris, ac patulas nostris date vocibus aures,
Spernite nec monitus nec spernite verba, sequantur
Verbera nulla, semel moniti parete, vicissim
Munere functuros nos esse videbitis, unus
Muneris est nostri scopus, unica meta, profectus
Quærere perfectos, ususq; inquirere vestros.

Alme DEUS, cuius benedictio cuncta serenat,
Quo sine velle meum est vanas consumere vires,
Tu benedic rudibus, præstaq; laboribus, offer
Te placidum mitemq;, tuo nos Flamine firma,
Pectora nostra sacra, promptas & suggere vires.

Alme DEUS, terris Reges qui præficis, illos
Ac illis adimis, qui rumpis iniqua malorum,
Federa, componis rixas, populosq; superbos
Sternis, & innocuis subcurris, & arma tuorum,
Suscipis ipse, domum sanctis committimus alis
ASCANIAM, clypeoq; tuæ bonitatis, ab omni
Protege fortunæ facie asperioris, amata
Tempora da pacis, victis vel ferre triumphos
Hostibus egregios, da prospera sceptrâ, beatos
Rerum successus, longâq; propagine dita,

D

Indu-

Indupedita queat tantis Ecclesia verbum,
Præsidibus tractare tuum, ne stulta subintrent
Somnia Pontificum, commentavê Flacica, crudo
More Capharnaidum corpus qui corporis escam,
CHRISTE tuum faciunt, fingunt & ubiq; locorum,
Esse, nec electis reprobos miscere rubescunt.

Vosq; vel imprimis duo florida germina Rutæ
Ascaniæ, quorum perstat Schola munere, priscos
Incipit & vultus renovata resumere, quorum
Nutrimur largâ quoq; nos bonitate Scholarum,
Præfecti, memoro te JAN-CASIMIRE, GEORGI
Teq;- ARIBERTE, piæ patriæ duo fulcra, paternæ
Æmula virtutis corda, & prælustria veri
Principis exempla, spes posteritatis, in annos
Vos servet multos, vobis det singula cedant
Ex animis, faustamq; habeant comitem omnia metâ
Omnia disponens DEUS, omnia fine coronans.

Quosq; fui nactus te fata regente patronos
Insperata, vires famâ super æthere notos :

Te volo KOTSCHIADE, prænobile sidus avili
Stemmatis, Aonidum fulcrum & pars magna sororû,
Doctorumq; Pater juvenum, præstansq; virorum
Præstantem decus, & nostræ insuperabilis aulæ
Gloria, præsidium rerum columenq; mearum.

Teq;

Teq; vel imprimis magne ô MULLERE, canoni
Nobile delictum Phœbi, sacraq; coruscans
Lux Themidos, cuius virtus, sapientia, solers
Et doctrina, patens rerumq; peritia nostris
Principibus curæ, curasq; adhibetur ad arctas,
Docta q; consilio rebus graviore medetur.

Nec te fas fuerit planè tacuisse JACOBE
MARTINI, princeps hac tempestate Sophorum,
Venturaq;, decus lumenq; peremne cathedræ
Leucoræ, cuius doctis laus astra pererrat
Argutisq; libris, cuius gravi ab ore pependi
Intentus multum magnos reagentis acuto
Judicio nodos, quo commendante (quid Ate
Ringeris?) hæc poteram sat munia dignus obire.

Quos inquam nactus te fata regente patronos
Hos aliosq; fui, quorum meminisse recusat
Musa verecundi studiosa pudoris inani
Carminè, conventos partim quos conspicio actu
In præsentè, bono partim vicinia Zytho,
Patria, dives habet, DEUS ô DEUS optime serva!

Fata viris differ, cursus venerata secundos
Assidue fortuna vehat, non occupet artus
Arida febris, eant ad vota fac omnia, nostri
Gratia subcrescat, cepti vigeantq; favores

D 2

Usq;

Usq; nec invidiâ quâ responsante, superbis
Tartarea & buccis venena vomente, fatiscant.

Ipseq; (promeritis quia reddita continet omnes
Gratia virtutes) gratus laudariet omni
Momento merear, memorem majora manebuit.

D I X I.

CORDOLIUM

Ὅσσορμικόν, cum annexo Anagram:

JOACHIMUS FLEMINGUS:

Eligis inunus: imò fac?



*Re tamen certum est; vaïdo licet impete
mecum.*

*Te, JOACHIME, retrò jam retinere
velim.*

*Suavia nunc abeunt Tecum pede gaudia lævo,
Quæ tuus hic præsto dulcis alebat amor.*

*Quid pro isto affectu jam mæstus inane rependam
Officium? vulgi præbeat illud honos.*

Ipse

*Ipse Tibi vitam hanc; posthac quaecunq; futura est,
Devoceo, & niveâ pectore plena fide.*

*Mutua quam pepigit pietas, testatur amica
Dextera, firmabit non-moriturus Amor.*

O utinam possem tanto comes ire Seduli!

Non me; non illum solveret una dies.

Hei mihi! quid præter gemitus abituræ relinquis?

Quid vè oculi potius, quàm lacrumantur, habent?

Sed quid ego frustra fatis obsistere tendo?

Cum potius forti mente ferenda, fero?

Quod semel immoto decernunt fata valore,

Frangere nemo audax inq; pedire valet.

Vt lubet: hoc melius, quàm si moriturus abires,

Spesq; revertendi non foret ulla tui.

Ergò iter-Sancti benedictus Nomine JHOVÆ:

Quò DEVS ire jubet, potinus ire decet.

Te DEVS ire jubet, cultas modereris habenas

Doctus DESSAVIÆ Gymnastarcha Scholæ.

Eligis hoc munus meritò: Sed & eligis illud

Non tantum; imò fac: quod facis, arte facis.


Si benè quæ geritur, dure comitata labore.

Interit iste labor, res bona semper erit.

Vade igitur properans CHRISTO Duce & Auspice
 Vade bonis avib9, vade bonis pedib9. (CHRISTO,
 Extremum hoc voveo: Salve, JOACHIME polite,
 Charis longè oculis charior hiscè meis:
 Salve perpetuum flammans FLEMINGE per astra,
 Et supremo isto munere maecte: Vale.

*Ὀδοπορευόν, inquam, hocce Cordelium, in tabulam Mne-
 mosyna licet chartaceam, quasi-tamen-adamantinum pe-
 nitus insculptum, pyramidi JOACHIMICÆ-FLEMIN-
 GIANÆ in latipatentis Fama templo angulo angusto
 tristibus digitis appendebat αὐτοσχεδίας: praeproperanter
 Athenis Leucoreis Paschatos feriâ sextâ
 Anno Salutis: 1620.*

JOAN: LAURENTIUS SCHRODERUS
 Anspachio - Francus.



JOACHIMUS FLEMINGUS

MOME, CUJUS INFLIGAS? ^{ἀναγχαμ.} ^{Stein,}

Hic natus Spartam; CUJUS nunc MOME nefande ^{αὐτόγε.} ^{butt}
 INFLIGAS famæ fulnera dira vide.

^{Ἰππεγαμ.}
MOME quid insultas, aliorum munera carpens?
 A Summo munus quod datur, omne datur.
 Omnes



Omnes HUIUS eunt nutu res; Sella cuivis
Disponente Illo, magna minorvé datur.
Sic nunc FLEMINGO sequiori creditur alma
Pubes; credetur ulteriore loco.

Ulteriore loco Sibi scepra scholaris abollæ
Cum demandantur MOME repentè veni:
MOME repentè veni; disrumpe aut ilia MOME
INFLIGAS maculam nî malè - sane potens.

Chronodistichon.

AUGUSTI LUX quarta reLUCet In aXe poLaVI,
TUNC Con-ReCtoris MUNUS honore subls.

Fausa gratulaonis:

Amicitiaq; & fraternitatis olim VVit-
tenb. contractæ ergò
f.

ZACHARIAS Haring / Reichenbachensis
ed. I. L. Stud. Baccaridum in Pernien p. t.
Præceptor Pædagogicus.

JOACHIMUS FLEMINGUS

ἀναγεγραμμένος

Musis hîc omnia fulge.

ET genus & venus & malè parta pecunia multos
Erigit, ignotos se sibimetq; facit.

Ulesti-

Vestibus hinc videas quos luxuriare superbis,
Impensis malè quos vincere velle pares
Quos emere immeritos (cupidi sic laudis) honores
Muneribus vix quos laude merere virum.
Dum vivunt, fulgent miseri, post funera surdum
Nomen obit, vix est, qui, fuit ille, refert.
Tu quoq; post scopulos vivas, HIC OMNIA FUL-
MUSIS, Musa vetat, culte Fleminge, mori. (GE

Gratulatio- propentici loco VViteber-
gã abiturienti $\sigma\chi\epsilon\delta\iota\omega\varsigma$ faciebat.

AUGUSTUS CORVINUS
Austrius.



Id 4206
g

ULB Halle

3

004 167 287



f
Sb

Sik. 18 u. 25 nicht in FICA,
da Hschr. +90


8-14


24 VD 17

10. Aug.
Jul. 01

M







B.I.G.

Farbkarte #13

B XVI.

an 25

HIMI FLE-
INGI

CULUM

OLASTI-
CUM

LB SUA *an 25*

In
M DESSANAM

rum Augusti Anno
20 facta

URATIONE
er auspdatum



VESTÆ,
ORFFERIANIS,
clo lo c xx.

